

**100 onns Dicziunari****Rumantsch Grischun**

Il decembre 2004 ha il Dicziunari Rumantsch Grischun (DRG) das-tgà festivar ses 100avel anniversari. A chaschun da quest giubileum duai questa pagina vegnir deditgada a quest institut che rimna e documentescha ils pleds e las locuziuns dals differents dialects rumantschs discurrids el Grischun e ch'è daventà tras questa lavur ina da las pitgas las pli impurtantas en las stentas da mantegnair la lingua rumantscha. Il DRG è in dals quatter vocabularis naziunals da la Svizra. Ils auters traiss èn il «Schweizerisches Idiotikon» per la svizra tudestga, il «Glossaire des patois de la Suisse romande» per la Svizra franzosa ed il «Vocabolario dei dialetti della Svizzera italiana».

*Im Dezember 2004 durfte das Dicziunari Rumantsch Grischun (DRG) sein hundertjähriges Bestehen feiern. Aus diesem Anlass soll diese Seite jenem Institut gewidmet sein, das die Wörter und Redewendungen der verschiedenen romanischen Dialekte sammelt und dokumentiert und dadurch zu einem der wichtigsten Pfeiler bei der Erhaltung der romanischen Sprache geworden ist. Das DRG ist eines der vier nationalen Wörterbücher der Schweiz. Die übrigen drei sind das «Schweizerische Idiotikon» für die deutschsprachige Schweiz, das «Glossaire des patois de la Suisse romande» für die französischsprachige Schweiz sowie das «Vocabolario dei dialetti della Svizzera italiana».*

Cun la fundaziun dal dicziunari dialectal DRG l'onn 1904 han la Societad Retorumantscha a Cuira, l'uniu pertadra da l'Institut dal DRG, e l'indogermanist Robert von Planta realisà in intent cuminaivel: inventarisaziun, preschen-taziun ed explicaziun dal stgazi da pleds cumplain da tut ils dialects da la lingua materna periclitada. Finanzià vegn quest project cun contribuziuns annualas dal chantun Grischun e da la Confederaziun. Stgazi da pleds ed inventari da suns d'ina part representativa dals 130 cumins rumantschs da

lez temp vegnan cataloghisads sistematicamain cun l'agid da cor-respondents e questiunaris. Ils emprims redacturs Florian Melcher e Chasper Pult cintinue-schan a rimnar ed ordinar las datas. Ultra da quai cumenzan els ad excerptar material da tut ils geners litterars (a partir dal 1560) stampads e nunstampads ed emprovan da tegnair quint da la vasta tradiziun litterara ch'ils idioms rumantschs han dapi la refurmazion e cuntrarefurmazion. Ils excerpts da cudeschs, perio-dicas e gasettas vegnan integrads en la cartoteca principala. Questa lavur vegn exequida anc oz ed ella è impurtanta per pudair perseguir il svilup e las midadas dals idioms rumantschs en il champ semantic, morfologic e sintactic. Suenter plirs artichels d'emprova, publitgads en las Annalas da la Societad Retorumantscha, ed in ulterior fascichel d'emprova l'onn 1932 cun ils artichels *acla*, *adatg* ed *arar*, cumpara il 1939 l'emprim fascichel dal DRG. El cuntegn ils chavazzins A – ADEMPLAT. La fasa da rimnar e d'ordinar il material ha pia durà 35 onns. Trais onns avant daventa Andrea Schorta schefredactur. Ils effects dal DRG sin la vitalitat linguistica e la consciencia dals Retorumantschs davantan evidents. Il moviment linguistic profitescha pli e pli da l'institut dal DRG sco post da documentaziun ed infurmazion per lavur da pro-moziun da la lingua: realisaziun da dicziunaris regionalis e grammaticas, creaziun da neologissem, e.u.v.

Il DRG sco dicziunari nazional vegn finanzià dal 1975 fin il 1995 principalmain dal FN (Fond naziunal svizzer), a partir dal 1996 da la ASSU (Academia svizra da las scienzas umanas). Ina Cumissiun filologica garantescha la cussegli-azion scientifica dal stab da redacziun. Quel consista suenter la sortida da Hans Stricker e la pensiun dad Alexi Decurtins (1948/56–75 redactur, 1957–88 schefredactur) da Felix Giger (1988–2003 schefredactur, suenter redactur), Carli Tomaschett (schefredactur dapi il 1.1.2004), Claudio Vincenz, Marga Annatina Secchi, Kuno Widmer (redacturs), Julianas Tschuor, Anna-Maria Genelin (documentalistas), Alexa Pelican-Arquisch e Brida Sac-

Arquisch (secretarias). Il svilup persunal pussibilitescha ina publi-caziun pli svelta e contribuescha qua tras al mantegniment da la lin-gua. Ils artitgels descrivan il pled sco part da la construziun en la lingua discurrida e scritta, infur-meschan davart sia muntada ed applicaziun, sia furmaziun, sias derivaziuns e composiziuns. Ma els cuntegnan er modas da dir, proverbis, ligns, vers, e.u.v. Sco monografias per propi sclere-schan ils artitgels pli lungs dal DRG la relaziun specifica trantner pled e chaussa. A l'entschatta da mintga artitgel en il DRG descriptiv stat ina part fonetica che inditegscha la pronunzia exacta dal pled. A la fin vegn inditgada ed eventualmain discutada l'etimologia (origin dal pled). Il DRG è concepi a basa semasiologica, el parta pia dal pled e betg da la chaussa. Ils artitgels survesaivels èn ordi-nads a moda alfabetica, ils citads rumantschs ed il text accumpagnant èn translatads en tudestg. Il DRG enciclopedic sa basa sin il diever vivent da la lingua e sin fun-taunas scrittas veglias e novas. El muta in inventari cumplet da la lingua e cultura rumantscha alpi-na. La vita tradiziunala ed il min-tgadi puril cumpara en il spievel da l'expressiun linguistica. Il DRG vegn duvrà da scientists da las pli diversas spartas: il romanist ed il dialectolog sco er l'istoricher da la cultura. Ma er l'istorgia gene-rala, l'istorgia da l'economia, l'is-torgia dal dretg e l'istorgia da la medischina pon sa servir dallas ritgas funtaunas dal DRG. Cura è il DRG a fin? Tschient onns suenter ch'il project è vegni mess sin via cumpiglia il DRG 11 toms cun ils chavazzins A – MAHUNAR. Cun la dotaziun da persunal actuala (9 personas cun total 7,3 plazzas duessi esser pus-saivel d'arrivar a la letra Z e terminar l'ovra entaifer ils proxims 60–80 onns.

**Stadi decembre 2004:**

A – MAHUNAR, quai èn 153 fascichels u 11 toms e 5 fascichels dubels cun ensemble passa 9000 paginas A4 a duas colonnas cun bleras chartas, dissegns e fortografias. Stampa: Südostschweiz Print AG, Cuira Biro da redacziun: Ringstrasse 34, CH-7000 Cuira, tel. 081 284 66 42, fax 081 284 02 04, [www.drg.ch](http://www.drg.ch)

A chaschun dal giubileum ha la Societad Retorumantscha edi en il rom da sia retscha Romanica Raetica il tom «Sun e senn.

Ina tschientina d'insatgs per il tschientenari dal DRG. El cuntegna contribuziuns or dal lavoratori dal DRG scrittas da ses redacturs. Las contribuziuns èn divididas en differents champs tematics: numbs locals, lingua, cultura ed il DRG 1904–2004. Il cedesch po vegnir retratg da l'Institut dal DRG e custa 30 frs. Ulteriuras infurma-zions davart il DRG chattais Vus sut [www.drg.ch](http://www.drg.ch).

**Pleds**

<b>applicaziun</b>	Verwendung
<b>chavazzin</b>	Stichwort
<b>contribuziun annuala</b>	Jahresbeitrag
<b>cumposiziun</b>	Zusammensetzung
<b>cussegliazion</b>	Beratung
<b>derivaziun</b>	Ableitung
<b>etimologia</b>	Herkunft (eines Wortes)
<b>explicaziun</b>	Erklärung
<b>lavulatori</b>	Werkstatt
<b>legn</b>	Rätsel
<b>mantegniment</b>	Erhaltung
<b>mintgadi puril</b>	bäuerlicher Alltag
<b>moda da dir</b>	Redewendung
<b>moviment linguistic</b>	Sprachbewegung
<b>muntada</b>	Bedeutung
<b>neologissem</b>	Neubildung (von Wörtern)
<b>pronunzia</b>	Aussprache
<b>proverbi</b>	Sprichwort
<b>questiunari</b>	Fragebogen
<b>scienza umana</b>	Geisteswissenschaft
<b>sclerir</b>	erhellern
<b>stgazi da pleds</b>	Wortschatz
<b>tschientenari</b>	Hundertjahrfeier
<b>uniun pertadra</b>	Trägerverein
<b>text accumpagnant</b>	Begleittext
<b>expressiun linguistica</b>	sprachlicher Ausdruck
<b>excerpt</b>	Auszug (aus einem Text)
<b>sortida</b>	Weggang
<b>persequitar</b>	verfolgen
<b>cuntrarefurmazion</b>	Gegenreformation
<b>periclità</b>	gefährdet
<b>inditgar</b>	angeben
<b>acla</b>	Maiensäss
<b>arar</b>	pflügen

**Adressa LR**

Lia rumantscha  
Via da la Plessur 47, 7001 Cuira  
telefon 081 258 32 22  
fax 081 258 32 23  
[liarumantscha@rumantsch.ch](mailto:liarumantscha@rumantsch.ch)